

urbsque regia dici cœpit, Metropolim fuisse ejusque Episcopum Metropolitani munia in Provincia Carpetania obiisse non renuo: sed & scio vix ejus per universam Hispaniam Primatum ab omnibus acceptum fuisse, usque ad duodecimum Concilium Toletanum celebratum anno Christi sexcentesimo octogesimo primo, quo non tantum Metropolita Provinciæ Carthaginensis confirmatus, verum etiam Primas totius Hispaniæ institutus fuit. Canonis ^a Concil. Toletan. 12. can. 6. sexti ^a verba sunt: *Unde placuit omnibus Pontificibus Hispaniæ, ut salvo privilegio uniuscujusque Provinciæ, licitum maneat deinceps Toletano Pontifici, quoscumque regalis potestas elegerit, & jam dicti Toletani Episcopi judicio dignos esse probaverit, in quibuscumque Provinciis, in decedentium Sedibus præscere Præsules, & decedentibus Episcopis eligere successores: sic tamen ut quisquis fuerit ille ordinatus, post ordinationis suæ tempus infra trium mensium spatium proprii Metropolitanæ præsentiam visurus accedat.* Ab eo tempore Toletanum Archiepiscopum nationalibus Hispaniæ Conciliis præfuisse certum est. Sed non multò post à tanta dignitate excidit, cum post tricesimum & tertium annum ab hoc Concilio regnum Gothicum eversum fuerit, totaque Hispania, paucis montanis regionibus exceptis, Sarracenorum imperio subiecta per trecentos sexaginta & octo annos. Sed de his, cum Notitiæ nostræ limites excedant, alii. Jam quæ sub unaquaque Metropoli sedes Episcopales antiquæ reperiuntur dicamus. Eas autem omnes, quæ per sex Ecclesiæ prima sæcula fuisse leguntur, licet non semper eodem tempore extiterint, referemus: maxime cum hac in Notitia cognitionem Episcopatum, qui per illa fuerunt, inquiramus.

NOTITIA ANTIQUA EPISCOPATUUM HISPANIÆ.

PROVINCIA CARTHAGINENSIS.

TOLETUM Ptolemæo lib. 2. cap. 6. vulgò *Toledo*. Ex ejus Episcopis *Melanthius* subscripsit Concilio Eliberitano, & *Euphemius* Toletano tertio.

¹ **CARTHAGO** Ptol. ibid. vulgò *Carthagera*. *Hector* Episcopus Carthaginensis Metropolis subscripsit Concilio Tarraconensi, tempore Hormisdæ Papæ.

COMPLUTUM Ptol. ibid. vulgò *Alcala de Henares*. *Præsidius* Complutensis Episcopus subscripsit Concilio Toletano sub Gundemaro, & *Hilarius* Toletano quarto.

OXOMA Ptol. ibid. aliis *Uxama*, vulgò *Osma*. *Joannes* ejus civitatis Episcopus subscripsit Concilio Toletano sub Reccaredo, necnon *Gregorius* Toletano sub Gundemaro.

PALLEMENTIA Ptol. ibid. vulgò *Palencia*. *Tonantius* vel *Conantius* hujus sedis Antistes subscripsit Concilio Toletano III. & Toletano sub Gundemaro.

VALERIA Ptol. ibid. vulgò *Valera la Vieja*. *Magnentius* hujus Episcopus interfuit Concilio Toletano sub Gundemaro.

SEGONTIA Ptol. ibid. *Saguntum* Strab. lib. 3. vulgò *Siguenga*. *Protegenes* Segontinus Episcopus interfuit Concilii Toletano tertio, & Toletano sub Gundemaro.

SE.

NOTÆ LUCE HOLSTENII.

¹ *Carthago*] Primo loco ponenda erat: nam Toletum post annum Milleimum Metropolis facta.